



Қазақстан Республикасының Министрлер Кабинеті жанындағы Ұлттық патент ведомствосы туралы Ережені бекіту туралы

Күшін жойған

Қазақстан Республикасы Министрлер Кабинетінің Қаулысы 1992 жылғы 16 қазан N 877. Күші жойылды - Қазақстан Республикасы Үкіметінің 1996.02.06. N 284 қаулысымен.

Қазақстан Республикасының Министрлер Кабинеті жанындағы Ұлттық патент ведомствосы туралы Ереже (қоса тіркеліп отыр) бекітілсін.

Қазақстан Республикасының
Премьер-министрі

Қазақстан Республикасы

Министрлер Кабинетінің
1992 жылғы 16 қазандағы
N 877 қаулысымен
Бекітілген

Қазақстан Республикасының Министрлер
Кабинеті жанындағы Ұлттық патент ведомствосы туралы
Е Р Е Ж Е

1. Қазақстан Республикасының Министрлер Кабинеті жанындағы Ұлттық патент ведомствосы (бұдан әрі - Қазпатент) өнеркәсіп меншігі объектілерін (өнертабыстарды, өнеркәсіп үлгілерін, пайдалы модельдерді, тауар таңбаларын, қызмет көрсету белгілерін және тауарлар шыққан жерлер атауларын) хұқықтық қорғау саласында мемлекеттік саясат жүргізуді қамтамасыз ететін мемлекеттік басқару органы болып табылады.

2. Қазпатент өз қызметінде Қазақстан Республикасының

Конституциясын, Қазақстан Республикасының заңдарын, Қазақстан Республикасы Президентінің жарлықтарын, Қазақстан Республикасы Министрлер Кабинетінің шешімдерін, Қазақстан Республикасы қатысатын халықаралық шарттарды, осы Ережені басшылыққа алады.

3. Қазпатенттің негізгі міндеттері:

Қазақстан Республикасының біртұтас патент жүйесін құру және оны басқару;

өнеркәсіп меншігі объектілеріне қорғау құжаттарын беру;

өнеркәсіп меншігін қорғайтын заңдар мен нормативтік актілердің жобаларын жасауға қатысу және олардың сақталуын бақылауды жүзеге асыру;

мемлекеттік патент-ақпарат базасын қалыптастыру;

қорғалатын өнеркәсіп меншігі объектілері туралы жедел ақпаратпен қамтамасыз ету;

республика өнеркәсіп меншігінің шет елдердегі объектілерін патенттеу жөніндегі жұмысты ұйымдастыру;

өнеркәсіп меншігін қорғау саласында халықаралық ынтымақтастықты жүзеге асыру;

өнеркәсіп меншігін хұқықтық қорғау саласында мамандар даярлауды, мамандардың біліктілігін арттыруды, патенттік сенімді өкілдерін аттестациялауды ұйымдастыру;

ведомстволық бағыныштылығына және меншік нысанына қарамастан Қазақстан Республикасы министрліктерінің, ведомстволарының, кәсіпорындарының, ұйымдарының және басқа да экономикалық қатынастар субъектілерінің өнеркәсіп меншігін хұқықтық қорғау және хұқықтарды пайдалану, саласындағы қызметін үйлестіру болып табылады.

4. Қазпатент өзіне жүктелген міндеттерге сәйкес:

өнертабысқа, пайдалы модельге өнеркәсіп үлгісіне патенттерді және тауар таңбаларына қызмет көрсету белгілеріне және тауардың шыққан жерінің атауына куәліктерді беруге түскен өнімдерді тіркейді;

қорғау құжаттарына республикалық және шетелдік өтінімдерге мемлекеттік сараптама жүргізуді ұйымдастырады, өнеркәсіп меншігі объектілеріне мемлекеттік тізілім жүргізеді, Қазақстан Республикасының қорғау құжаттарын береді, олардың күшінде болуын қолдау жөніндегі шараларды жүзеге асырады;

қорғау құжаттарын беруге өтінімдер бойынша мемлекеттік сараптама шешімдеріне келіспеушіліктер мен шағымдарды, сондай-ақ жеке адамдар мен заңды ұйымдардың Қазпатент құзыретіне жататын мәселелер бойынша басқа да

өтініштерін карауды ұйымдастырады;

өнеркәсіп меншігін қорғау жөніндегі заңдар мен нормативтік актілерді жетілдіру жөнінде жұмыс жүргізеді, өнеркәсіп меншігін қорғау саласындағы заңдардың қолданылу тәжірибесін талдап, қорытуды жүзеге асырады;

Қорғалатын өнеркәсіп меншігінің объектілері жөнінде ресми бюллетеньдерді, сондай-ақ ақпарат материалдарын және Қазпатенттің құзыретіне жататын басқа да әдебиеттер басып шығаруды қамтамасыз етеді;

республика министрліктері мен ведомстволары бірлесіп, Қазақстан Республикасының Сыртқы экономикалық байланыстар министрлігіне өнеркәсіп меншігі объектілерін экспорттауға және импорттауға лицензиялар берудің және ноу-хаудың тиімділігі туралы тұжырымдар береді;

Қазақстан Республикасы аумағында қорғалатын өнеркәсіп меншігі объектілеріне лицензиялық шарттарды тіркейді;

өнеркәсіп меншігін хұқықтық қорғау саласындағы мамандар даярлау мен біліктілігін арттыруды, патенттік сенімді өкілдерін аттестациялауды ұйымдастырады;

өнеркәсіп меншігін хұқықты қорғау және пайдалану саласындағы ғылыми-зерттеу және басқа да жұмыстарды ұйымдастыру мен жүргізуді қамтамасыз етеді;

өнеркәсіп меншігінің объектілерін қорғау мен пайдалану саласында шарттық негізде қызмет көрсетеді;

Қазақстан Республикасы мемлекеттік басқару органдарының өнеркәсіп меншігін хұқықтық қорғау мен пайдалану мәселелері жөніндегі қызметін үйлестіреді;

Қазақстан Республикасы Мемлекеттік өнертабыс қорының жұмысын оның Жарғысына сәйкес ұйымдастырады;

өнеркәсіп меншігінің объектілерін хұқықтық қорғау мен пайдалану мәселелері жөніндегі халықаралық және мемлекетаралық ынтымақтастықты жүзеге асырады.

5 . Қ а з п а т е н т к е :

өнеркәсіп меншігін қорғау саласындағы қатынастарды хұқықтық реттеу мәселелері жөнінде Қазақстан Республикасының Министрлер Кабинетіне ұсыныстар енгізу, өнеркәсіп меншігін қорғау саласында Қазақстан Республикасының заңдарын қолдану жөнінде өз құзыреті шегінде түсіндірме беру ;

өз құзыреті шегінде нормативтік актілерді жасап, бекіту; өнеркәсіп меншігін қорғауға байланысты құжаттардың бірыңғай нысандарын белгілеу ;

өнеркәсіп меншігін хұқықтық қорғау мәселелері жөнінде халықаралық

шарттар жасасу және оларға қосылу туралы белгіленген тәртіппен ұсыныстар
енгізу хұқығы беріледі.

6. Қазпатентті Қазақстан Республикасының Министрлер Кабинеті
тағайындайтын Төраға басқарады.

Төрағаның Қазақстан Республикасының Министрлер Кабинеті тағайындаған
бір орынбасары болады.

7. Төраға Қазпатентке жүктелген міндеттердің орындалуы үшін дербес жауап
береді, оның жұмысын ұйымдастырады және ведомствоға қарасты ұйымдардың
қызметіне басшылық жасайды, олар туралы ережелерді бекітеді, Қазпатент
жүйесіндегі лауазымды адамдардың ұйымдық, құрылымдық-штаттық, кадрлар,
қаржылық, өндіріс-шаруашылық және басқа да мәселелерді дербес шешуі
жөніндегі құзыретін айқындайды;

Қазақстан Республикасының мемлекеттік өкімет және басқару органдарымен,
сондай-ақ басқа да мемлекеттік және халықаралық ұйымдармен қарым-қатынаста
Қазпатент мүддесін білдіреді;

қолданылып жүрген заңдардың негізінде әрі олардың орындалуы үшін
Қазпатенттің және ведомствоға қарасты ұйымдардың қызметіне қатысты
бұйрықтар мен өзге де хұқықтық актілерді шығарады, олардың орындалуын
тексеруді ұйымдастырады;

қажетті жағдайда Қазақстан Республикасының басқа министрліктерімен,
мемлекеттік комитеттерімен, ведомстволарымен, концерндерімен,
қауымдастықтарымен, өнертапқыштар және рационализаторлар қоғамымен
бірлесе немесе келісе отырып, олардың орындауы үшін міндетті нормативтік
актілер қабылдайды;

өз құзыреті шегінде ведомствоға қарасты ұйымдардың, кәсіпорындар мен
мекемелердің басшыларын қызметке тағайындайды және босатады;

Қазпатент қызметкерлерінің жұмысты қатар атқару жөніндегі жағдайын,
сондай-ақ заңды ұйымдар мен жеке адамдарға заңмен рұқсат етілген
жұмыстарды (қызметтерді) атқаруына шартқа отыру тәртібін заңдарға сәйкес
белгілейді;

Қазпатентті және ведомствоға қарасты ұйымдарды қаржыландыруға бөлінген
қаражат шегінде несиелерге өкімдік етуші болып табылады;

Қазпатенттің орталық аппаратының штат кестесін Қазақстан
Республикасының Министрлер Кабинеті белгілеген адам саны мен еңбек ақы
қоры шегінде бекітеді.

Ескерту. 7 тармақтың 8 абзацынан сөздер алынып тасталған -
ҚРМК-нің 1995.02.06. N 115 қаулысымен.

8. Қазпатент республикалық бюджет сондай-ақ өнеркәсіптік меншік
объектілерін қорғауға байланысты заңдық мәні бар әрекеттері үшін патенттік

бaj салығы қаражаты есебінен қаржыландырылады.
Ескерту. 8-тармақ толықтырылған - ҚРМК-нің 05.12.1994 ж.
N 1369 қаулысымен.

9. Қазпатент белгіленген тәртіппен статистикалық, бухгалтерлік және басқа да есеп беру жөніндегі мәліметтердің әзірленуін және тиісті органдарға түсірілуін қамтамасыз етеді.

10. Қазпатент заңды ұйым болып табылады, Қазақстан Республикасының Мемлекеттік елтаңбасы бейнеленген әрі қазақ және орыс тілдерінде өз атауы жазылған дөңгелек мөрі, тиісті мөрлері мен штамптары болады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК